



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՇԱԿՈՒՅԹԻ ՆԱԽԱՐԱՐՈՒԹՅՈՒՆ

ՀՐԱՄԱՆ N 683-Ա «19.» 10.10թ

ԲՈՒՆԱԳՐԱՎՎԱԾ, ԴԱՏԱՐԱՆԻ ՎՃՌՈՎ ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ
ՃԱՆԱԶՎԱԾ ԵՎ ԺԱՌԱՆԳՈՒԹՅԱՆ ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ
ՄՇԱԿՈՒԹԱՅԻՆ ԱՐԺԵՔՆԵՐԸ ՊԵՏԱԿԱՆ ՊԱՀՈՑՆԵՐԻՆ ՀԱՆՁՆԵԼՈՒ
ԸՆԹԱՑԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով ՀՀ Կառավարության 2010 թվականի փետրվարի 18-ի N 146-Ն
որոշման և Հայաստանի Հանրապետության վարչապետի 2010 թվականի հունիսի 30-ի
N 490-Ա որոշմամբ հաստատված հավելվածի 21-րդ կետի պահանջներով՝

ՀՐԱՄԱՅՈՒՄ ԵՄ՝

1. Հաստատել <<Բռնագրավված, դատարանի վճռով հոգուտ պետության տիրա-
գուրկ ճանաչված և ժառանգության իրավունքով պետությանն անցած մշակութային ար-
ժեքները պետական պահոցներին հանձնելու ընթացակարգը>>՝ համաձայն հավելվածի:
2. Սույն հրամանի կատարման գործընթացի պատասխանատվությունը դնել
նախարարության աշխատակազմի մշակութային արժեքների պահպանության գործա-
կալության պետ Վ. Գաապարյանի վրա:
3. Սույն հրամանի կատարման հսկողությունը վերապահել նախարարի տեղակալ
Ա. Սամուելյանին:

Նախարար՝



Հ. ՊՈՂՈՍՅԱՆ

ԸՆԹԱՑԱԿԱՐԳ

ԲՈՒՆԱԳՐԱՎՎԱԾ, ԴԱՏԱԴԱՆԻ ՎՃՌՈՎ ՀՕԳՈՒՏ ՊԵՏԱԴԹՅԱՆ ՏՈՒՆԱԳՐԱՎՎԱԾ
ՃԱՆԱԶՎԱԾ ԵՎ ԺԱՌԱՆԳՈՒԹՅԱՆ ԻՐԱՎՈՒՆՔՈՎ ՊԵՏԱԴԹՅԱՆ ԱՆՑԱԾ
ՄՇԱԿՈՒԹԱՅԻՆ ԱՐԺԵՔՆԵՐԸ ՊԵՏԱԿԱՆ ՊԱՀՈՑՆԵՐԸ ԶԵՆՁՆԵԼՈՒ



1. Սույն ընթացակարգը կարգավորում է բնագրավված, դատարանի վճռով հոգուտ պետության տիրագուրկ ճանաչված և ժառանգության իրավունքով պետությանն անցած մշակութային արժեքները (այսուհետ՝ բնագրավված մշակութային արժեքներ) պետական պահոցներին կամ մարմնին հանձնելու գործընթացը:

2. Իրավասու պետական մարմինները բնագրավված մշակութային արժեքները դրանցից յուրաքանչյուրի փորձագիտական եզրակացության պատճենով և 2-ական լուսանկարով գրությամբ ներկայացնում են ՀՀ մշակույթի նախարարության աշխատակազմի մշակութային արժեքների պահպանության գործակալություն (այսուհետ՝ գործակալություն):

3. Գործակալության տեղեկատվության և առգրավված կամ բնագրավված մշակութային արժեքների պահպանության բաժինը (այսուհետ՝ բաժին) մեկ աշխատանքային օրվա ընթացքում ընդունման-հանձնման ակտով ժամանակավոր պահպանության է ընդունում բնագրավված մշակութային արժեքները և կազմում է գործ:

4. Բնագրավված մշակութային արժեքների փորձագիտական եզրակացությունների ուսումնասիրության և մասնագիտական քննարկումների արդյունքում, եթե պարզվում է, որ դրանք չեն համապատասխանում Հայաստանի Հանրապետության Կառավարության 2005 թվականի մայիսի 19-ի N 631-Ն որոշմամբ սահմանված մշակութային արժեքների պահպանական ցուցակի չափորոշիչներին, ապա գործակալության պետի տեղակալը մեկ աշխատանքային օրվա ընթացքում այդ մասին իրազեկում է գործակալության պետին՝ դրանք Հայաստանի Հանրապետության արդարադատության նախարարության դատական ակտերի հարկադիր կատարման ծառայություն (այսուհետ՝ ծառայություն) հանձնելու համաձայնություն ստանալու նպատակով:

5. Սույն կարգի 4-րդ կետի գործողությունն իրականացնելուց և գործակալության պետի համաձայնությունն ստանալուց հետո բաժինը 2 աշխատանքային օրվա ընթացքում ընդունման-հանձնման ակտով բռնագրավված մշակութային արժեքները հանձնում է ծառայություն՝ դրանք սահմանված կարգով իրացնելու նպատակով:

6. Սույն կարգի 5-րդ կետի գործողությունն իրականացնելուց հետո 3 աշխատանքային օրվա ընթացքում գործակալության պետի տեղակալն ապահովում է բռնագրավված մշակութային արժեքները ծառայությանը հանձնելու վերաբերյալ Հայաստանի Հանրապետության ֆինանսների նախարարություն գրավոր տեղեկույթ ներկայացնելը:

7. Բռնագրավված մշակութային արժեքների փորձագիտական եզրակացությունների ուսումնասիրության և մասնագիտական քննարկումների արդյունքում, եթե պարզվում է բռնագրավված մշակութային արժեքների համապատասխանությունը մշակութային արժեքների պահպանական ցուցակի չափորոշիչներից որևէ մեկին, ապա այդ մասին գործակալության պետի տեղակալը մեկ աշխատանքային օրվա ընթացքում իրազեկում է գործակալության պետին:

8. Գործակալության պետը մեկ աշխատանքային օրվա ընթացքում գրավոր տեղեկացնում է Հայաստանի Հանրապետության մշակույթի նախարարին (այսուհետ՝ նախարար) մշակութային ժառանգության պահպանության խորհրդի (այսուհետ՝ խորհուրդ) նիստ հրավիրելու անհրաժեշտության մասին՝ գրությանը կցելով բռնագրավված մշակութային արժեքների փորձագիտական եզրակացության պատճենները և դրանց 1-ական լուսանկարը:

9. Նախարարը հինգ աշխատանքային օրվա ընթացքում հրավիրում է խորհրդի նիստ:

10. Խորհուրդը քննարկման արդյունքում տալիս է մշակութային արժեքների պահպանական ցուցակի չափորոշիչներին բռնագրավված մշակութային արժեքների համապատասխանության կամ անհամապատասխանության մասին եզրակացություն, որը գործի հետ պահպանվում է գործակալությունում:

11. Խորհրդի բացասական եզրակացության դեպքում իրականացվում է սույն կարգի 5-րդ և 6-րդ կետերով նախատեսված գործողությունները:

12. Խորհրդի դրական եզրակացության դեպքում գործակալության պետի տեղակալը երեք աշխատանքային օրվա ընթացքում մշակում է նախարարի հրամանի նախագիծ

մշակութային արժեքները համապատասխան պետական պահոցին կամ մարմնին մշտական պահպանության հանձնելու վերաբերյալ:

13. Նախարարի հրամանի նախագիծը հինգ աշխատանքային օրվա ընթացքում համաձայնեցվում է համապատասխան ստորաբաժանումների ու պաշտոնատար անձանց հետ և ներկայացվում է նախարարի հաստատմանը:

14. Նախարարը երեք աշխատանքային օրվա ընթացքում հաստատում կամ մերժում է մշակութային արժեքները համապատասխան պետական պահոցին կամ մարմնին հանձնելու վերաբերյալ հրամանի նախագիծը:

Նախարարի կողմից հրամանի նախագիծը մերժվելու դեպքում գործակալության պետի տեղակալը հինգ աշխատանքային օրվա ընթացքում, հիմք ընդունելով մշակութային արժեքներն այլ պահոցի կամ մարմնի հանձնելու վերաբերյալ նախարարի առաջարկությունը, մշակում, համաձայնեցնում և հաստատման է ներկայացնում հրամանի նոր նախագիծ:

15. Հրամանի հաստատումից հետո բաժինը բռնագրավված մշակութային արժեքները երկու աշխատանքային օրվա ընթացքում ընդունման-հանձնման ակտով հանձնում է համապատասխան պետական պահոցի կամ մարմնի կողմից լիազորված անձին:

16. Բռնագրավված մշակութային արժեքները պետական պահոցի կամ մարմնի հանձնելու դեպքում գործակալության պետի տեղակալն ապահովում է դրա վերաբերյալ Հայաստանի Հանրապետության ֆինանսների նախարարություն յուրաքանչյուր եռամսյակ տեղեկույթ ներկայացնելը:

17. Այն դեպքերում, երբ բռնագրավված մշակութային արժեքները փորձաքննություն չեն անցել, բաժինը սահմանված կարգով ապահովում է դրանք փորձաքննության ներկայացնելու գործընթացը՝ իրականացնելով համապատասխան կազմակերպության ժամանակավոր պահպանությանը դրանց ընդունում-հանձնումը:

Աշխատակազմի ղեկավար՝

Ս. ԱՎԵՏԻՍՅԱՆ



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՇԱԿՈՒՅԹԻ ՆԱԽԱՐԱՐՈՒԹՅՈՒՆ

ՀՐԱՄԱՆ N 448-4 «16» 11. 10թ.

ՀՀ ՄՇԱԿՈՒՅԹԻ ՆԱԽԱՐԱՐԻ 2010 ԹՎԱԿԱՆԻ ՀՈԿՏԵՄԲԵՐԻ 14-Ի N 683-Ա
ՀՐԱՄԱՆՈՒՄ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

Ղեկավարվելով <<Իրավական ակտերի մասին>> ՀՀ օրենքի 70-րդ հոդվածի
5-րդ մասի պահանջներով՝

ՀՐԱՄԱՅՈՒՄ ԵՄ՝

1. ՀՀ մշակույթի նախարարի 2010 թվականի հոկտեմբերի 14-ի <<Բռնագրավված,
դատարանի վճռով հոգուտ պետության տիրազուրկ ճանաչված և ժառանգության
իրավունքով պետությանն անցած մշակութային արժեքները պետական պահոցներին
հանձնելու ընթացակարգը հաստատելու մասին>> N 683-Ա հրամանով հաստատված
հավելվածը շարադրել նոր խմբագրությամբ՝ համաձայն N 1 հավելվածի:


2. Սույն հրամանի կատարման պատասխանատվությունը դնել նախարարության
աշխատակազմի մշակութային արժեքների պահպանության գործակալության պետ Վ.
Գասպարյանի վրա:

3. Սույն հրամանի կատարման հսկողությունը վերապահել նախարարի տեղակալ
Ա. Սամուելյանին:

Նախարար՝



Հ. ՊՈՂՈՍՅԱՆ



ԸՆԹԱՑԱԿԱՐԳ

ԲՈՒՆԱԳՐԱՎՎԱԾ, ԴԱՏԱՐԱՆԻ ՎՃՌՈՎ ՀՕԳՈՒՏ ՊԵՏՈՒԹՅԱՆ ՏԻՐԱԶՈՒՐԿ
ՃԱՆԱԶՎԱԾ ԵՎ ԺԱՌԱՆԳՈՒԹՅԱՆ ԻՐԱՎՈՒՆՔՈՎ ՊԵՏՈՒԹՅԱՆՆ ԱՆՑԱԾ
ՄՇԱԿՈՒԹԱՅԻՆ ԱՐԺԵՔՆԵՐԸ ՊԵՏԱԿԱՆ ՊԱՀՈՑՆԵՐԻՆ ՀԱՆՁՆԵԼՈՒ

1. Սույն ընթացակարգը կարգավորում է բռնագրավված, դատարանի վճռով
հոգուտ պետության տիրազուրկ ճանաչված և ժառանգության իրավունքով պետությանն
անցած մշակութային արժեքները (այսուհետ՝ բռնագրավված մշակութային արժեքներ)
պետական պահոցներին հանձնելու գործընթացը:

2. Իրավասու պետական մարմինները բռնագրավված մշակութային արժեքները
դրանցից յուրաքանչյուրի փորձագիտական եզրակացության պատճենով և 2-ական
լուսանկարով գրությամբ ներկայացնում են ՀՀ մշակույթի նախարարության աշխատա-
կազմի մշակութային արժեքների պահպանության գործակալություն (այսուհետ՝ գործա-
կալություն)

3. Գործակալության պետի հանձնարարությամբ տեղեկատվության և առգրավված
կամ բռնագրավված մշակութային արժեքների պահպանության բաժինը (այսուհետ՝
բաժին) մեկ աշխատանքային օրվա ընթացքում ընդունման-հանձնման ակտով, որը
ստորագրվում և հաստատվում է գործակալության պետի կողմից, ժամանակավոր պահ-
պանության է ընդունում բռնագրավված մշակութային արժեքները և կազմում է գործ:
Ընդունված մշակութային արժեքների ժամանակավոր պահպանությունն իրականացվում
է բաժնի հատուկ առանձնացված պահոցում:

4. Բռնագրավված մշակութային արժեքների փորձագիտական եզրակացություն
չունենալու դեպքում բաժինն ապահովում է դրանց փորձաքննության ներկայացնելու
գործընթացը՝ գործակալության պետի ուղեկցող գրությամբ համապատասխան կազմա-

կերպությանը հանձնման-ընդունման ակտով դրանք ժամանակավոր պահպանության հանձնելով:

5. Գործակալության պետի տեղակալի ղեկավարությամբ մեկ աշխատանքային օվա ընթացքում բաժնում իրականացվում է բռնագրավված մշակութային արժեքների փորձագիտական եզրակացությունների ուսումնասիրություն: Եթե փորձագիտական եզրակացության համաձայն դրանք չեն համապատասխանում Հայաստանի Հանրապետության Կառավարության 2005 թվականի մայիսի 19-ի N 631-Ն որոշմամբ սահմանված մշակութային արժեքների պահպանական ցուցակի չափորոշիչներին, ապա գործակալության պետի տեղակալը մեկ աշխատանքային օրվա ընթացքում այդ մասին գրավոր իրազեկում է գործակալության պետին՝ դրանք Հայաստանի Հանրապետության արդարադատության նախարարության դատական ակտերի հարկադիր կատարման ծառայությանը (այսուհետ՝ ծառայություն) հանձնելու համաձայնություն ստանալու նպատակով:

6. Մեկ աշխատանքային օրվա ընթացքում գործակալության պետի հանձնարարությունը ստանալուց հետո՝ 2 աշխատանքային օրվա ընթացքում բաժինը, ընդունման-հանձնման ակտով, որը ստորագրվում և հաստատվում է գործակալության պետի կողմից, բռնագրավված մշակութային արժեքները հանձնում է ծառայությանը դրանք սահմանված կարգով իրացնելու նպատակով:

7. Սույն կարգի 6-րդ կետի գործողությունն իրականացնելուց հետո՝ 2 աշխատանքային օրվա ընթացքում, ՀՀ Կառավարության որոշմամբ սահմանված կարգով, Հայաստանի Հանրապետության ֆինանսների նախարարություն գրավոր տեղեկույթ ներկայացնելու նպատակով բաժինը ՀՀ մշակույթի նախարարի անունից կազմում է գրություն՝ բռնագրավված մշակութային արժեքները ծառայությանը հանձնելու վերաբերյալ:

8. Բռնագրավված մշակութային արժեքի փորձագիտական եզրակացության համաձայն՝ մշակութային արժեքի՝ մշակութային արժեքների պահպանական ցուցակի չափորոշիչներից որևէ մեկին համապատասխանելու դեպքում, գործակալության պետի տեղակալը մեկ աշխատանքային օրվա ընթացքում գրավոր իրազեկում է գործակալության պետին:

9. Գործակալության պետը մեկ աշխատանքային օրվա ընթացքում գրավոր տեղեկացնում է Հայաստանի Հանրապետության մշակույթի նախարարին (այսուհետ՝ նախարար) մշակութային ժառանգության պահպանության խորհրդի (այսուհետ՝ խորհուրդ)

նիստ հրավիրելու անհրաժեշտության մասին՝ գրությանը կցելով բռնագրավված մշակութային արժեքների փորձագիտական եզրակացության պատճենները և դրանց 1-ական լուսանկարը:

10. Նախարարը հինգ աշխատանքային օրվա ընթացքում հրավիրում է խորհրդի նիստ:

11. Խորհուրդը քննարկման արդյունքում տալիս է մշակութային արժեքները համապատասխան պետական պահոցին հանձնելու վերաբերյալ եզրակացություն, որը գործի հետ պահպանվում է գործակալությունում:

12. Խորհրդի եզրակացությունը ստանալուց հետո՝ երեք աշխատանքային օրվա ընթացքում, բաժինը մշակում է նախարարի հրամանի նախագիծ մշակութային արժեքները համապատասխան պետական պահոցին հանձնելու մասին:

13. Նախարարի հրամանի նախագիծը հինգ աշխատանքային օրվա ընթացքում, ՀՀ մշակույթի նախարարության գործառնության կարգին համապատասխան, համաձայնեցվում է նախարարության աշխատակազմի համապատասխան ստորաբաժանումների ու պաշտոնատար անձանց հետ և ներկայացվում է նախարարի հաստատմանը:

14. Հրամանի հաստատումից հետո բաժինը բռնագրավված մշակութային արժեքները երկու աշխատանքային օրվա ընթացքում ընդունման-հանձնման ակտով հանձնում է համապատասխան պետական պահոցի կողմից լիազորված անձին:

15. Բռնագրավված մշակութային արժեքները պետական պահոց հանձնելու դեպքում ՀՀ Կառավարության որոշմամբ սահմանված կարգով Հայաստանի Հանրապետության ֆինանսների նախարարություն յուրաքանչյուր եռամսյակ տեղեկույթ ներկայացնելու նպատակով բաժինը նախարարի անունից դրա վերաբերյալ կազմում է գրություն:

Աշխատակազմի ղեկավար՝

Ս. ԱՎԵՏԻՍՅԱՆ